

Փախստականներին

Ազակցության օրենքի նախագիծ

ԱՄՆ ներկայացուցիչների պալատի բյուջետային կոմիտեն ընդունել է օրենքի նախագիծ, ըստ որի՝ նախատեսվում է 47,4 մլրդ դոլար հատկացնել սիրիացի փախստականներին ապաստանած երկրներին: Նախատեսվում է նաև օգնություն հատկացնել Սիրիայում ապրող քրիստոնյա փոքրամասնությանը: Եթե օրենքի նախագիծը հաստատվի, մեր երկրում ապաստանած սիրիահայերը նույնպես կարող են օգտվել այդ օգնությունից: Պատերազմից ի վեր Հայաստանն ընդունել է 22 հազար սիրիահայի: Մինչև պատերազմը Սիրիայում ապրում էր 120 հազար հայ, որից 50-ը՝ Հայկալում:



N 29 (677)
28.07-24.08 2017



ՀՀ ԱՐՏԱԿԱՐԳ ԻՐԱՎԻՃԱԿՆԵՐԻ ՆԱԽԱՐԱՐՈՒԹՅՈՒՆ
MINISTRY OF EMERGENCY SITUATIONS OF RA
МИНИСТЕРСТВО ПО ЧРЕЗВЫЧАЙНЫМ СИТУАЦИЯМ РА
ՀՀ ԱՐՏԱԿԱՐԳ ԻՐԱՎԻՃԱԿՆԵՐԻ
ՆԱԽԱՐԱՐՈՒԹՅԱՆ ՊԱՇՏՈՆԱԹԵՐԸ

911

Արտակարգ իրավիճակներ

Լինենք ուժեղ

ԲԱՆԱԿԱՅԻՆ ԽԱՂԵՐ

Ռուսաստանում անցկացվում է «Միջազգային բանակային խաղեր-2017» ստուգատեսը, որին կմասնակցեն նաև ՀՀ ՋՈՒ ստորաբաժանումները: Մտակալում, Նովոսիբիրսկում և Տյումենում անցկացվելիք «Տանկային բիաթլոն», «Ձորային

հետախուզության գերազանցիկներ» և «Անվտանգ երթուղի» մրցումներին կմասնակցեն ՀՀ ՋՈՒ տանկային, հետախուզական և ինժեներական ստորաբաժանումները, իսկ Ղազախստանի Ալմաթի քաղաքում կայանալիք «Դիպուկահար-

ների սահմանագիծ» մրցույթին՝ 11 դիպուկահար:

Եվս 5 զինծառայող ՀՀ զինված ուժերը կներկայացնեն Բելառուսում անցկացվող «Ընկերակցության զինվոր» մրցույթին:

Կարևոր

ՀՈՒՆԻՍԻ ԱՐՏԱԿԱՐԳ ԴԵՊԵՐԸ



Էջ 3

ՓՐԿԱՐԱՐԸ ՄԱՐԴՈՒ ԱՌԱՋՆԱՀԱՏՈՒԿ ՏԵՍԱԿ Է



Էջ 4

ԳԻՐ ԳՐԻ ՎՐԱ



Էջ 6

ԲԺԻՇԿ ԳՐԻԳՈՐԻ ԱՄԱՏՈՒՆԻ



Էջ 7



Լուսանկարը՝ <https://www.yerevan.am>

Մաքուր Հայրենիք

ԿԵՐՊԱՓՈՒՆՈՒԹՅՈՒՆ

Վարդավառը երևանում ոչ թե անտարբեր թողնեց: Ջրով լի դույլերով զինվել էին նաև օտարերկրացիները (նկարում): Տեսե՛ք, ինչ տազնապ կա տղամարդու երեսին: Երևի կարծել էին, թե գերծ կմանն ջրաշիթերից: Բայց չէ: Երան էլ ջրեցին, կնոջն էլ: Ու այնքան, որ թրջվեցին մինչև վերջին թելը: Չէին սպասում: Ու հիմա հսկայական դույլով, կարծես, դարանակալել է, մինչև ջրվելը իր նման միամիտ մեկին մի լավ թրջելու համար: Երևանյան խշիշի օդից նրա մարմինը հովացել է, բայց արի ու տես, որ հրճվող սիրտը «վրեժ» է ուզում:

Իմ տպավորությամբ, Վարդավառը երբեք այսքան ջրառատ չէր եղել: Արևի շողերից ջուրն օդում խայտուն ալիքներ էր տալիս և ուրախ ցնծություն պատճառում ջրադույլերով վիտազող եռուն ջրախաղին: Ու Պայծառակերպության տոնին կերպափոխություն էր իջել բոլորի վրա՝ օտար թե յուրային դարձել էին երկրային ու երկնային

պայծառատես էակներ, որոնք հայացքով կարող էին տիեզերքի անհունները թրատել:

Թերևս, միակն ենք մենք աշխարհում, որ Վարդավառի նման տոն ունենք:

Եվ միակն ենք, որ ջուրն այդպես փառաբանել գիտենք: Ի՞նչն է շատ մեր լեռնաշխարհում ջուրը: Ու նաև ջուրն անարժեք համարելուն ենք սովոր: Աշխարհի և ոչ մի կետում էժան ապրանքին չեն ասում՝ ջրի գին: Մենք ասում ենք: Ի՞նչ է ստացվում՝ մեկ փառաբանում ենք ջուրը, մեկ անարժևոր՝ ու այն: Երևի իրանցի օտարն էլ տարակուսած՝ այդպես է մտածում մեր մասին: Գուցե նրա հայացքում արտահայտված տազնապի պատճառը նաև դա՞ է: Չ՞է որ իրենց երկրում քյարիզներում հոսող ջուրը սակավ է:

Մենք գիտենք ջրի գորությունը: Ջրառատ մեր երկրում ջրի պակասը կա: Ու հողը ջրով արբեցնելու արդյունքով է մեր կերպն այսպի-

սին: Քարից հաց քամել սովորել ենք ջրից: Ջրի կաթիլը մեզ համար ծովի արժեքն ունի: Մաքրության արժեք:

Այս Վարդավառից, կարծես, կերպափոխվում է նաև Հայաստանը: Հուլիսի 29-ին երկրորդ համապետական շաբաթօրյակն է՝ «Մաքուր Հայաստան» ծրագրի ընթացքով: Մաքրությունը միայն ջրով չէ, այլ դրա նկատմամբ բժախնդիր մարդու կերպափոխությամբ: Սահմանվում են մաքրաբարոյության հստակ կանոններ, Վարչական իրավախախտումների մոր օրենսգրքում անմաքրության դեմ կիրառվելու են տուգանքներ, կանխարգելման միջոցառումներ, որին սպասում էինք վաղուց: Միջավայրն աղտոտելու համար սահմանվելու է նվազագույնը 16 հազար դրամ տուգանք, խոշոր ձեռնարկությունների համար տույժը հասնելու է մինչև 200-300 հազար դրամի: Սակայն կարծիք կա, որ տուգանքների չափը շատ ավելին պետք է լիներ:

Գագիկ ԵՂՅԱՆ



ԳՈՏԻՍՏՈՒՄ

«Սեյսմիկ պաշտպանության ծառայություն» գործակալության պետ Յուրայա Պետրոսյանը պաշտոնը զբաղեցնելու առավելագույն տարիքը լրանալու հիմքով ազատվել է աշխատանքից: Նախարար Դավիթ Տոնոյանը, բարձր գնահատելով Յուրայա Պետրոսյանի աշխատանքը սեյսմիկ պաշտպանության համակարգի ձևավորման գործում, նրան պարգևատրել է ԳՈ ՍԻՆ «Փառքի խաչ Նոյ» մեդալով և ԳՈ ՍԻՆ շնորհակալագրով:

ՀԱՄԱԳՈՐԾԱԿՑՈՒԹՅՈՒՆ ԸՆԴԱՅՆՎՈՒՄ Ե ԱՐԴԻԱԿԱՆԱՑՈՒՄ



Արտակարգ իրավիճակներում և ճգնաժամերի ժամանակ ռազմական ու քաղաքացիական կառույցների համագործակցությանն աջակցելու, փրկարարների պատրաստվածության բարձրացմանն ու կարողությունների հզորացմանն օժանդակելու հարցերում Հայաստան-ԱՄՆ Կանգա ճանաչում համագործակցությունը սկսվել է 14 տարի առաջ՝ 2003 թվականին: ԱՄՆ Կանգասի ազգային գվարդիայի պատվիրակությունը բազմիցս եղել է Հայաստանում մի անգամ Կանգասի փոխնահանգապետ Ջեֆ Կոլիերի գլխավորությամբ, հիմնականում Կանգասի ազգային գվարդիայի իրամասնատար, աղյուսանտ-գեներալ Լի Տաֆանելի գլխավորությամբ: Այս օրերին կրկին Հայաստանում է Կանգասի ազգային գվարդիայի պատվիրակությունը՝ Լի Թաֆանելիի գլխավորությամբ: Ամերիկացի գործընկերների հետ հանդիպման ժամանակ Հայաստանի ԱԻ նախարար Դավիթ Տոնոյանը և նրա միջազգային համագործակցությունը նպաստում է փրկարարական ուժերի կարողությունների հզորացմանը:



Յուրայա Պետրոսյանը մասնագետների վերապատրաստում, տեխնիկական օգնություն, նաև համատեղ վարժանքներ են իրականացվել: Այս տարվա հուլիսի 18-28-ը Կանգասի ազգային գվարդիայի և Միացյալ Թագավորության 6-րդ ռազմարտակազմի փորձագետները Հայաստանում առաջին օգնություն, կենսապահովման հիմունքների և վտանգավոր նյութերի հետ աշխատանքի թեմաներով դասընթացներ են անցկացրել, իսկ հուլիսի 27-ին և 28-ին Շիրակի մարզի Ախուրյան քաղաքի իրջեջ-փրկարարական ջոկատի վարժապետ պարակուն և ճգնաժամային կառավարման պետական ակադեմիայի գործնական պարապմունքների «Լուսակերտ» բազայում հայ-ամերիկյան համատեղ վարժանքներ են անցկացվել, որոնց ներկա են եղել Դավիթ Տոնոյանը և Լի Թաֆանելին:

Կանգասի ազգային գվարդիայի պատվիրակությունը պատրաստակամ է համագործակցել և իր փորձով օգնել Հայաստանին նաև համայնքներում վաղ ազդարարման համակարգերի զարգացման, բնակչության իրազեկվածության մակարդակի բարձրացման, աղետների ու ճգնաժամերի ընթացքում փրկարարական ուժերի կառավարման մեթոդաբանության կատարելագործման հարցերում: ■

Հիդրոմետ, սեյսմիկ ծառայություն

Այս շաբաթ արտակարգ իրավիճակների նախարարությունում քննարկվեց երկու ստորաբաժանման արդիականացման հարցը: ԱԻՆ «Սեյսմիկ պաշտպանության ծառայություն» գործակալության և ղեկավար կազմի ու աշխատակիցների մասնակցությամբ՝ ծառայության արդիականացման, օպտիմալացման, կառուցվածքային փոփոխության և միջազգային համագործակցության հարցերը, իսկ Համաշխարհային բանկի տեխնիկական աջակցության փորձագիտական պատվիրակության հետ՝ ԱԻՆ «Հիդրո-դեթեկտիվ ծառայության և մթնոլորտային երևույթների վրա ակտիվ ներգործության ծառայության» արդիականացման և կարողությունների զարգացման հարցերը:

Համաշխարհային բանկի փորձագետները նախ կուսումնասիրեն «Հիդրոդեթեկտիվ ծառայության և մթնոլորտային երևույթների վրա ակտիվ ներգործության ծառայության» կարիքները, ապա կկազմեն ծառայության արդիականացման ճանապարհային քարտեզ, որի օգնությամբ կլուծվեն ծառայության արդիականացման և թվայնացման խնդիրները:

Դավիթ Տոնոյանի կարծիքով, կարևոր է «Հիդրոդեթեկտիվ ծառայության և մթնոլորտային երևույթների վրա ակտիվ ներգործության ծառայության» վաղ ազդարարման և կանխատեսումների ունակությունը: Միաժամանակ կանխատեսման շահառուները պետք է կարողանան օգտվել այդ կանխատեսումներից, տեղյակ լինեն թե որ դեպքում ինչ պետք է անել:

Իսկ սեյսմիկ պաշտպանության համակարգը արդիականացվելու է միջազգային լավագույն փորձի ուսումնասիրության հիման վրա, օպտիմիզացվելու է կառավարման համակարգը, թվայնացվելու են դիտարկումները: Սա նշանակում է ավելի քիչ ռեսուրսով առավել արդյունավետ աշխատանք: «ԱԻՆ Սեյսմիկ պաշտպանության ծառայությունը միջազգային համագործակցության գործընթացներում պետք է լինի նախաձեռնողի դերում, այլ ոչ թե սպասողի»,- նկատեց Դավիթ Տոնոյանը:

Պաշտոնը զբաղեցնելու առավելագույն տարիքը լրանալու հիմքով աշխատանքից ազատվել է «Սեյսմիկ պաշտպանության ծառայություն» գործակալության պետ Յուրայա Պետրոսյանը: Դավիթ Տոնոյանը վաստակաշատ աշխատակցին պարգևատրել է ԱԻՆ «Փառքի խաչ Նոյ» մեդալով և շնորհակալագրով: Հայաստանի Սեյսմիկ պաշտպանության ազգային ծառայությունում աշխատում էր 1992 թվականից, ծառայության ղեկավարն էր 2011-ից: ■

ՃԱՆԱԴԱՐՅԱՅԻՆ ԶԱՐԿԵՑ

Հուլիսի 26-ին նախարար Դավիթ Տոնոյանը, նախարարության փրկարար ծառայության ղեկավար կազմի ներկայացուցիչներն ու Միավորված ազգերի կազմակերպության զարգացման ծրագրերի քաղաքականության և ծրագրերի աջակցության գրասենյակի Կայուն զարգացման նպատակների ինտեգրման, խթանման և քաղաքականության մշակման աջակցության պատվիրակները քննարկել են Հայաստանում մարդածին և բնական աղետների դիմակայում ու պատրաստված հասարակություն և համայնքներ ձևավորելու հարցերը: Այսպիսի քննարկումների արդյունքում կմշակվի Հայաստանում կայուն զարգացման նպատակների ճանապարհային քարտեզը, որն էլ կդառնա դիմակայուն հասարակություն և համայնքներ ունենալու գործիք: Ճանապարհային քարտեզով կսահմանվեն նպատակներին հասնելու առաջնահերթությունները, քայլեր կարվեն հանրային իրազեկվածության մակարդակի բարձրացման, կարողությունների հզորացման ուղղությամբ, կլինեն փորձի փոխանակման ծրագրեր:

Դավիթ Տոնոյանը կարևորում է երկրի դիմակայունության մակարդակի բարձրացումը: Ըստ նրա՝ դիմակայուն հասարակությունը կայուն զարգացման գրավական է:

Սկիզբ՝ նախորդ համարներում

Հրդեհի վայրում զազերի փոխանակումը զազային զանգվածների շարժումն է տաք զազային ապրանքների այրման գոտուց դեպի մթնոլորտ և մթնոլորտային օդի դեպի այրման գոտի շարժման պատճառով:

Հրդեհի վայրում զազերի փոխանակման հիմնական և էական պարամետրերն են՝

- օդի կամ այրման ապրանքների շարժման արագությունը՝ զազերի փոխանակման արագություն,
- զազերի փոխանակման ինտենսիվությունը,
- ավելցուկ օդի գործակիցը:

Հրդեհները մարելու ժամանակ զազերի հոսքերի կառավարումը կարևոր օպերատիվ-մարտավարական գործողություն է, որի նպատակն է հրդեհների հաջող մարումը և փրկարարական աշխատանքների համար նպաստավոր պայմանների ստեղծումը:

Այրման տաք արտադրանքը ռեակցիայի գոտում ունի ավելի պակաս խտություն, քան տարածք մտնող օդը, որի պատճառով այրման տաք արտադրանքը բարձրանում է վեր ստեղծելով ավելորդ ճնշում: Շինության (սենյակի) ներքևի մասում օքսիդացման ռեակցիային մասնակցող թթվածնի ճնշման անկման հետևանքով ստեղծվում է

ՀՐԴԵՑ-ՓՐԿԱՐԱՐԱԿԱՆ ՊԱՇՏՊԱՆՈՒԹՅՈՒՆ

Գազերի փոխանակում և հավասար ճնշումների հարթություն

նոսրացում: Շինության (սենյակի) ներսում այն բարձրությունը, որի վրա ճնշումը հավասար է արտաքին կամ հարևան սենյակի ճնշմանը, կոչվում է հավասար ճնշումների մակարդակ: Հասկանալի է, որ այդ մակարդակից բարձր տարածքը լցված է ծխով, իսկ ցածրում այրման ապրանքների կոնցենտրացիան չի խոչընդոտում մարտական ստորաբաժանումներին առանց շնչառական օրգանների պաշտպանության այդ գոտում գտնվելու: Հավասար ճնշումների մակարդակով անցնող հարթությունը անվանում են հավասար ճնշումների հարթություն:



Հավասար ճնշումների հարթության իջեցումը կարող է տեղի ունենալ մարտական ստորաբաժանումների, օբյեկտի վարչակազմի սխալ գործողությունների հետևանքով: Օրինակ, ներհոսող և արտածող որմնանցքների մակերեսների հարաբերակցության խախտման պատճառով, ինչը կարող է տեղի ունենալ ուժերի և միջոցների բացազատման և փողարկավարների դեպի այրման գոտի ներթափանցման ժամանակ:

Հրդեհների դեմ հաջող պայքարելու համար ստորաբաժանումները պետք է իմանան զազի հոսքերի կառավարման ուղիները:

Առաջին ճանապարհ. շենքի օդավարման (աերացիայի) կառավարում

Սրան կարելի է հասնել փոփոխելով ներհոսող և արտածող որմնանցքների մակերեսները, այսինքն բացելով կամ փակելով շենքում առկա պատուհաններն ու դռները, պարսպող կառուցատարրերում բացելով անցքեր կամ փակել

լով առկա որմնանցքները միջակայքով: Սակայն պետք է նկատի ունենալ, որ տարածքի (սենյակի) ներհոսող և արտածող որմնանցքների մակերեսները պետք է ունենան որոշակի հարաբերակցություն: Հաստատված է, որ լավագույն հարաբերակցությունն այն է, երբ արտածող որմնանցքների մակերեսը 1,5-2 անգամ գերազանցում է ներհոսող որմնանցքների մակերեսը:

Երկրորդ ճանապարհ. հարկադրական օդափոխման կիրառում

Սա իրջեջ ծխաքաշների (օդափոխիչներ) կիրառումն է ինչպես օդի մղման, այնպես էլ այրման արտադրանքի հեռացման համար:

Երրորդ ճանապարհ. կրակմարիչներ

Մարտական ստորաբաժանումները կիրառում են կրակմարող միջոցներ (օդամեխանիկական փրփուր, փոշիացված ջուր և այլն): ■

(շարունակելի)



Պարզվեց՝ անբասիր ծառայության համար

10 և 15 տարի անբասիր ծառայության համար մեղավորված են պարզարկվել 77 ԱԻՆ ՓԾ Հատուկ նշանակության փրկարարական աշխատանքների իրականացման կենտրոնի (ՀՆՓԱԻԿ) մի խումբ աշխատակիցներ: Կենտրոնի փրկարարների գերակշիռ մասն ունի միջազգային որակավորում և ընդգրկված է ՄԱԿ-ի միջազգային որոնողափրկարարական խորհրդատվական խմբի (INSARAG) ջրկատու: Պարզվեցին հանձնել է 77 ԱԻՆ փրկարար ծառայության տնօրեն, փ/ծ գնդապետ Մուշեղ Ղազարյանը:

ՀՈՒՆԻՍԻ ԱՐՏԱԿԱՐԳ ԴԵՊՔԵՐԸ



Ուժեղ կարկուտ

2017-ի հունիսին գրանցվել է ուժեղ, վնասաբեր 15 կարկուտ: 5 դեպք Սյունիքում, 2-ական Արագածոտնի, Գեղարքունիքի, Վայոց ձորի, Տավուշի և 1 դեպք՝ Լոռու մարզերում: Վնասվել են բանջարաբուստանային մշակաբույսեր, գարու և ցորենի ցանքատարածքներ, պտղատու այգիներ և բազմամյա տնկարկներ՝ ընդհանուր հաշվով մոտ 746 հա: Վնասի գումարային չափն ավելի քան 5 մլրդ դրամ է:

Այլ դեպքեր

2017-ի հունիսին գրանցվել է մեկական պայթյուն, քարաթափում, սողանք, տեղատարափ անձրև, անասնահամաճարակ, երեքական ուժեղ քամի, հեղեղ, վայրի կենդանիների հարձակում և այլն:

Կիսամյակային ամփոփում

Այս տարվա առաջին կեսին գրանցվել է 6069 արտակարգ դեպք, պատահար, մեծ մասը՝ 3534 դեպք՝ տեխնածին: Բացի սրանցից, գրանցվել է մաս 2357 սոցիալ-կենսաբանական և 178 տարբերային արտակարգ դեպք: Այս դեպքերից զոհվել է 149 մարդ, այդ թվում՝ 29 կին, 4 երեխա, տուժել 4866 մարդ, այդ թվում՝ 1465 կին, 825 երեխա: 2017-ի առաջին վեց ամսում փրկարարները 131 մարդու կյանք են փրկել: Ինչպես և նախորդ տարիներին, արտակարգ դեպքերի մեծ մասը՝ 5567, հրդեհները, ծանապարհատրանսպորտային պատահարները, թունավորումներն են: Ձոռների գերակշիռ մասը՝ 101 մարդ, ծանապարհատրանսպորտային պատահարներից է:

Հրապարակման պատրաստեց Արամ ԶԱՔԱՐՅԱՆԸ

ՀՀ ԱԻՆ փրկարար ծառայության ճգնաժամային կառավարման ազգային կենտրոնն ամփոփել է 2017-ի հունիսի և առաջին կիսամյակի ընթացքում հանրապետությունում գրանցված արտակարգ դեպքերի ու պատահարների վիճակագրությունը:

Փրկարար ծառայության ստորաբաժանումները հունիս ամսին իրականացրել են 1910 ելք՝ 234-ով կամ 14 տոկոսով ավելի, քան 2016-ի հունիսին: 653 ելքով փրկարարներն արձագանքել են արտակարգ դեպքերի, 762 դեպք՝ կենցաղային կանչ, 88 դեպք՝ կեղծ ահազանգ, 407-ն այլ դեպքեր: Արտակարգ դեպքերից զոհվել է 30 մարդ (այդ թվում՝ 8 կին), տուժել՝ 973 մարդ (այդ թվում՝ 262 կին և 155 երեխա): Փրկարարները 30 մարդու կյանք են փրկել: 2016-ի հունիսի համեմատ աճել է թե զոհերի, թե տուժածների, թե փրկվածների քանակը:

Հրդեհներ
Գրանցվել է հրդեհների առաջացման վերաբերյալ 510 ահազանգ (2016 թվականի հունիսին՝ 420 ահազանգ), հրդեհ է գրանցվել 313 դեպքում (2016 թվականի հունիսին՝ 308 դեպք): Նախորդ տարվա նույն ժամանակահատվածի համեմատ հրդեհների քանակն աճել է 5-ով: 113 կեղծ ահազանգ է գրանցվել, 10 դեպքում էլ հսկողությամբ իրականացվող այրումը հրդեհի տեղ են ընդունել և զանգահարել 911: Հրդեհներից տուժել է 5 մարդ (2016-ի հունիսին՝ 1-ական զոհ և տուժած): Նյութական վնասը՝ մոտ 36 մլն դրամ 11,7 մլն-ով պակաս, քան 2016-ի հունիսին: Առավելագույն նյութական վնաս գրանցվել է մայրաքաղաքում՝ 13,96 մլն դրամ: Մարզերից առավելագույն տուժել է Կոտայքը՝ 9,3 մլն, ամենաքիչը՝ Վայոց ձորը՝ 170 հազար

դրամ: Ամենաշատ հրդեհներ գրանցվել են բուսածածկ տարածքներում՝ 99: Սրանից բացի կրակի բաժին են դարձել աղբ՝ 66, առանձնատուն՝ 37, բնակելի շենք և տրանսպորտային միջոց՝ 31-ական, կրպակ-տնակավտոտնակ 9, պահեստավորված անասնակեր՝ 2 և այլն: Քաղաքներում գրանցվել է 236 հրդեհ, գյուղերում՝ 77: 2016-ի հունիսի համեմատ քաղաքային հրդեհների թվաքանակը նվազել է, գյուղական հրդեհներին աճել: Երևանում գրանցվել է 183 հրդեհ: Մարզային քաղաքներից ամենաշատ հրդեհ եղել է Կոտայքի քաղաքներում՝ 12, ամենաքիչը՝ Տավուշի և Գեղարքունիքի քաղաքներում՝ մեկական: Հրդեհներից ամենաշատը տուժել են Կոտայքի գյուղերը՝ 18 դեպք, ամենաքիչը՝ Շիրակի գյուղերը՝ 2 դեպք:

Ծանապարհատրանսպորտային պատահար՝ ԾՏՊ
Գրանցվել է 353 ԾՏՊ 64-ով ավելի, քան անցած տարվա հունիսին: Այս պատահարներից զոհվել է 20, տուժել՝ 473 մարդ: 2016 թվականի հունիսի համեմատ զոհերի և տուժածների թիվն աճել է: ԾՏՊ-ների մեծ մասը՝ 172, բախումներն են: 95 դեպք՝ վրտերթ, 40 դեպք՝ տրանսպորտային միջոցների շրջում, 46 դեպք՝ այլ բնույթի ԾՏՊ: Ամենաշատ դեպքեր գրանցվել են Երևանում՝ 158: Մարզերից ամենաշատը, Կոտայքում՝ 32, ամենաքիչը՝ Վայոց ձորում՝ 8:

Փլուզումներ
Հունիս ամսին հանրապետությունում գրանցվել է 15 փլուզում: Բարեբախտաբար, զոհեր և վիրավորներ չկան: Դեպքերի մեծ մասը՝ 10, գրանցվել է մայրաքաղաքում, երկու փլուզում՝ Շիրակի մարզում և մեկական Գեղարքունիքում, Լոռիում, Սյունիքում: Փլուզվել են շենքեր և շինություններ, ավտո և երկաթգծի ճանապարհների ինժեներական կառույցներ և այլն:

Թունավորումներ
Հաշվետու ժամանակահատվածում գրանցվել է 480 թունավորում, զոհվել է 5, տուժել՝ 491 մարդ: 2016-ի հունիսի համեմատ թունավորումների, զոհվածների և տուժածների թվաքանակն աճել է: Ամենաշատ թունավորումներ գրանցվել են մայրաքաղաքում՝ 327: Մարզերից ամենաշատ թունավորումներ եղել են Արմավիրում՝ 46 դեպք, ամենաքիչը՝ Սյունիքում՝ 2 և Վայոց ձորում՝ 3: Թունավորումների հիմնական պատճառներն են. դեղորայք՝ 130, ալկոհոլ՝ 118, սուղումների և միջատների խայթոց՝ 115, քիմիական նյութեր՝ 74, սնունդ՝ 38 և այլն:

Առաջարկվող սարքը նորույթ է, գրանցվել է ՀՀ մտավոր սեփականության գործակալությունում, որպես օգտակար մոդել, և հեղինակին տրվել է արտոնագիր «Մելքոնյան Ա.Ս., Արտոնագիր N 339-Ս, «Արևային ջերմային կուլեկտոր», 15.03.2013»:

Սարքի մասին երկու անգամ զեկուցվել է այլընտրանքային վերականգնվող էներգիայի աղբյուրներին նվիրված միջազգային և երկու անգամ հանրապետական գիտական կոնֆերանսներում: Գերմանիայի Գերմանիայի 2, 3) նախատեսվում է կիրառել արտակարգ իրավիճակներում:



Նկ. 1. Կոշտ սարքի լուսանկարը

Սարքի կոշտ տարբերակը (Նկ. 1) երեք տարվա փորձաշրջան է անցել և հաջողությամբ կիրառվում է բնակարաններում կենցաղային նպատակներով էկոլոգիապես մաքուր տաք ջուր ստանալու համար: Չափերն են՝ 130 սմX52 սմX12 սմ, զանգվածը՝ 22 կգ, տարողությունը՝ 37 լ:

Գերմանիայի Գերմանիայի 2, 3) նախատեսվում է կիրառել արտակարգ իրավիճակներում: Գերմանիայի 2, 3) նախատեսվում է կիրառել արտակարգ իրավիճակներում: Գերմանիայի 2, 3) նախատեսվում է կիրառել արտակարգ իրավիճակներում:

ԱՐԵՎԱՅԻՆ ԶՐԱՏԱՔԱՑՈՒՑԻՉ

Ճգնաժամային կառավարման տեղակայման գիտնականի առաջարկը




Նկ. 2. Գերմանիայի Գերմանիայի 2, 3) նախատեսվում է կիրառել արտակարգ իրավիճակներում:



Նկ. 3. Սարքը՝ որպես պայուսակ

օդի -9°C-ից մինչև 13°C ջերմաստիճանի, փոփոխական ամպամածության և հորիզոնից կրկնակի ունեցած տարբեր բարձրությունների պայմաններում: Այդ ընթացքում արձանագրված կարևորագույն արդյունքներից է այն, որ, երբ փորձարկումներից մեկի ընթացքում շրջակա օդի ջերմաստիճանը երկու և կես ժամում բարձրացավ -9°C-ից մինչև -3°C, ջրի ջերմաստիճանը սարքում բարձրացավ

5°C-ից մինչև 83°C: Դրանից հետևում է, որ սկզբունքորեն հնարավոր է սարքը կիրառել նաև բնակարանների ու տարբեր կապարանների ջեռուցման նպատակով: Ամպամած եղանակին արված փորձարկման ընթացքում, երբ շրջակա օդի ջերմաստիճանը 8°C էր, ջուրը սարքում տաքացավ մինչև 38°C, ինչը բավարար է լոգանք ընդունելու համար: Համատարած ամպամածության պայմաններում սարքը գործում է ջերմոցային էֆեկտի հիման վրա. պարզապես կլանվող էներգիայի քանակի նվազման պատճառով շրջակա միջավայրի հետ սարքի ջերմային հավասարակշռության վիճակը տեղի է ունենում ավելի ցածր ջերմաստիճաններում: Փորձարկումների արդյունքները մանրամասնորեն արձանագրված են, որոնցից մեկը գրաֆիկորեն պատկերված է Նկ. 4-ում: Ամռանը՝ շրջակա օդի 25°C-ից 35°C ջեր-



Նկ. 4. 05.11.2016-ին, ժամը 13:50-ից 16:20-ը կատարված փորձարկման արդյունքները

մաստիճանի պայմաններում 11 լ ջուրը Գերմանիայի Գերմանիայի 2, 3) նախատեսվում է կիրառել արտակարգ իրավիճակներում: Գերմանիայի 2, 3) նախատեսվում է կիրառել արտակարգ իրավիճակներում: Գերմանիայի 2, 3) նախատեսվում է կիրառել արտակարգ իրավիճակներում:

թյունը 120 սմ, հաստությունը՝ 6 սմ: Կարելի է պատրաստել ցանկացած տարողությամբ նմուշը կամ մի քանի կրովի սարքեր միացնել իրար՝ սարքի ցանկացած տարողությունն ապահովելու նպատակով:

Շատ կարևոր հանգամանք է սարքի ցածր ինքնաթեքը և այն պատրաստելու համար հատուկ արտադրական միջոցների ու հզորությունների անհրաժեշտ չլինելու փաստը: Սարքի կիրառության ոլորտները բազմազան են: Սարքը, հատկապես դրա ճկուն տարբերակը, նախատեսվում է արտակարգ իրավիճակներում ճամբարների կազմակերպման, դաշտային ելքերի, արշավների և ընդհանրապես, այլ ավանդական էներգակիրների բացակայության պայմաններում կիրառելու համար: Դժվար է գերազանցատել նման սարքերի կիրառման կարևորությունը, օրինակ՝ ատոմային էլեկտրակայաններին կից բնակավայրերի բնակչության համար դաշտային բաղնիքի կառուցման, տարածքների, շենք-շինությունների, սարքերի ու տեխնիկայի դեզակտիվացիոն ու լվացման աշխատանքների կազմակերպման առումով:

Սարքի կիրառության կարևորագույն ոլորտներից են ՀՀ ՁՈՒ գործառնաբեր, հատկապես մարտական հենակետերը, որտեղ սարքը հասկանալի պատճառներով կարևորագույն միջոց կարող է հանդիսանալ, մասնավորաբար, անձնակազմի հիգիենայի ու կացարանների ջեռուցման խնդիրների լուծման համար:

Հայաստանի ամբողջ տարածքի համար պարզապես օրերի վիճակագրությունը շատ նպաստավոր է սարքի օգտագործման արդյունավետության առումով: Սարքը էկոլոգիապես բացարձակ մաքուր է, կարող է օգտագործվել նաև սննդի պատրաստման ու կենցաղային այլ նպատակներով:

Աշոտ ՄԵԼՔՈՆՅԱՆ
ՀՀ ԱԻՆ ԵՎՊԱ ԲՊ ամբիոնի վարիչ, Ֆ.ձ.գ.թ.,
դոցենտ, ՁՈՒ պահեստագրի գնդապետ



Այդ վտանգավոր սնդիկը

ՀՀ ԱԻՆ փրկարար ծառայության բնակչության պաշտպանության և աղետների հետևանքների վերացման կազմակերպման վարչության աշխատակիցները «Նաիրիտ» գործարանում իրականացրել են հեղուկ սնդիկի (շուրջ 2 կգ 900 գ) հավաքման և Նուրբ օրգանական քիմիայի գիտահետազոտական ինստիտուտի քիմիական պահեստ տեղափոխման գործողությունը: Սնդիկը գործարանում ժամանակին օգտագործվել է չափիչ սարքերի լիցքավորման համար: Սնդիկի կուտակման վայրը վարակազերծվել է:

ՓՐԿԱՐԱՐԸ ՄԱՐԴՈՒ ԱՌԱՆՁՆԱԳԱՏՈՒԿ ՏԵՍԱԿ Ե Ուզում են աշխարհը խաղաղ տեսնել, առանց աղետների ու տատահարների

«54 տարեկան եմ, բայց 60 և ավելի տարիների աշխատանքային փորձ ու կենսագրություն ունեմ»,- ժպիտով ասում է Արարատի մարզային փրկարարական վարչության բնակչության պաշտպանության բաժնի պետ, վարչության պետի տեղակալ, փ/ծ մայր Յայրապետ Սարգսյանը: Ծնվել է հրշեջի ընտանիքում, հայրը՝ Խաչիկ Սարգսյանը, 1958-ից մինչև 1991 թվականը, 33 տարի աշխատել է Արտաշատի հրշեջ մասում, որպես ավագ վարորդ: «Հասցրել եմ հորս հետ մի քանի տարի աշխատել նույն հրշեջ մասում»: Իսկ որդին սովորում է ճգնաժամային կառավարման պետական ակադեմիայի 2-րդ կուրսում: Ընտանիքում արդեն երրորդ սերունդն է, որ փոխարինում է փրկարար հորն ու պապին: Հիմա ծառայում է Հայոց բանակում: «Փոքրերը տեսնելով մեծերին՝ ընտրում են իրենց ապագան, որովհետև երեխայի համար ամենաուժեղն իր ծնողն է»,- աշխատանքային կենսագրությունն ու ընտանեկան ավանդույթն ամբողջացնելով ասում է վարչության պետի տեղակալը:



Հրշեջ հոր՝ Խաչիկ Սարգսյանի ժամանակներից

ամեն ինչ նոր էր ձևավորվում, բայց ստացվեց, կազմակերպեցի ծառայությունը և 7 ամսվա ընթացքում կարողացա ամբողջովին կազմավորել Արարատի հրշեջ մասը»: Արած աշխատանքը զննատվում է, ինչի արդյունքում էլ արդեն 2004 թվականին նշանակվում է վարչության պետի տեղակալ: Փ/ծ մայրն ու վարչության պետի տեղակալն իր երկարամյա ծառայության ընթացքում արժանացել է 10, 15 և 20 տարի անբասիր ծառայության համար երեք մեդալներին էլ: Իսկ Արտաշատում տեղակայված ՌԴ գործառնասի կողմից «Գերազանցիկ սահմանապահ» մեդալն է շնորհվել փորձառու հրշեջին: «2003 թե 2004 թվականն էր, սահմանին ուղեկալներում, չոր խոտածածկ տարածք էր բռնկվել: Կրակը սպառնում էր ռուս սահմանապահների հատուկ զինաթրթվածներին: Կիտներտրոլ այրվում էր տարածքը, անհնար էր հանգցնելը: Արագ կողմնորոշվելով՝ զինվորներին 10 մ հեռավորությամբ շարեցի, լուցիկներ բաժանեցի, ասելով՝ վառում եք այնպես, որ կրակը ետ չգա: Այդպես կրակը զնաց դեպի այրվող տարածք, և հրդեհն ինքն իրեն մարեց»,- մեդալին արժանանալու առիթն է վերհիշում Սարգսյանը: Բացի դրանից, նրան շնորհվել է նաև «Անվեհեր փրկարար» և «Երկրապահ» մեդալները, արժանացել է բազմաթիվ շնորհակալագրերի ու պատվոգրերի: Իսկ մինչև կիսացներ հրշեջի աշխատանքին նվիրվել, որ մանկությունից է ուղեկալում նրան, փ/ծ մայրը մասնագիտացել է նախ երաժշտության ասպարեզում. «Երաժշտական կրթություն եմ ստացել, նվագել եմ փողային նվագախմբում, բանակում օրկեստրում եմ նվագել՝ բարիտոն, բայց տիրապետել եմ բոլոր փողային գործիքներին, որովհետև սիրում էի և հաճախ էի փոխարինում բացակա երաժիշտներին հենց նրանց գործիքներով: Նվագում եմ նաև ակորդեոն, դաշնամուր, սինթեզատոր: Երաժշտությունն ինձ հետ է եղել մինչև 1994 թվականը՝ ծառայության անցնելու: Երբ զինվորական համազգեստ հագա, թողեցի նաև նվագելը»: Նույն թվականին փորձառու հրշեջն իր նախաձեռնությամբ երաժիշտ ընկերների հետ զնում է Արտաշատի ռուսական գործառնաս, որն այդ ժամանակ նվագախումբ չուներ, հրամանատարի ասում, որ իրենք կարող են դառնալ գործառնասի համար զինվորական նվագախումբ: «Հրամանատարությունն ընդունեց առաջարկը, բայց ես աշխատում էի հրշեջ մասում, և ինձ առաջարկեցին սպայական կոչում, նաև տեսուչի աշխատանք: Ես կանգնած էի երկրորդ աստիճանի առաջ և ընտրեցի հրշեջի ծառայությունը, թերևս զորամասում նվագելու համար այդ ժամանակ ավելի բարձր էին վարձատրում: Իսկ ընկերներս շարունակեցին նվագել գործառնասի նվագախմբում, նրանցից դեռ մինչ օրս էլ կան նվագողներ»:

Անցած ճանապարհի հեռվից նայելով վարչության պետի տեղակալը վստահ է, որ փրկարարը մարդու ամենամարդ տեսակն է. «Հենց այդ փրկարարի հայացքով էլ ուզում եմ աշխարհը խաղաղ տեսնել, առանց աղետների ու տատահարների: Մարդիկ մշտապես մեկնելու օգնեին, պետություններն էլ պատերազմելու փոխարեն անհրաժեշտության դեպքում միմյանց փոխօգնության հասնեին»: Ու հիշում է մարդկային հոգին նրբացնող ու նաև ներաշխարհը տակնուվրա անող մի


դեպք. «Արտաշատի հրշեջ մասում էի աշխատում, գիշերային ահազանգ ստացանք. քաղաքի կապի զորամասում հրդեհ է: Երբ մեքենան հրշեջ մասից դուրս եկավ, արդեն հրդեհը երևաց, այնքան հզոր էր, որ երկինքը լուսավորվել էր: Ձորամասի ներսում 70-80 մ երկարությամբ մի շինություն կար, որտեղ բարձրագույնն ավարտած ու սպայական դասընթացներ անցնող ուսանողներն էին մնում: Փայտաշեն շինություն էր, բռնկվել էր ու կրակը երկրորդ հարկին էր անցնում: Մինչև լուսաբաց հաջողվեց հրդեհը մեկուսացնել ու մարել: Շատ բան էր մոխրացել, բայց այրված երաժշտական գործիքներն էին, որ վառ տպավորվել են մեզս, չէ՞ որ ինքս երաժիշտ եմ»:

Այս համոզմունքն ու հայացքն ունի Արարատի մարզային փրկարարական վարչության բնակչության պաշտպանության բաժնի պետ, վարչության պետի տեղակալ, փ/ծ մայր Յայրապետ Սարգսյանը: Իսկ գործընկերոջ մասին անմիջական ղեկավարը վարչության պետ, փ/ծ գնդապետ Մուրադ Մարգարյանը, խոսում է հարգանքով ու բարձր գնահատում անցած ուղին, մարդկային բնորոշ հատկանիշները. «Ծնվել է հրշեջի ընտանիքում, փոքր տարիքից տեսել է հոր աշխատանքը, հետո ինքն է դարձել հրշեջ, հիմա էլ որդին է փորձում շարունակել փրկարարի արդեն ընտանեկան ավանդույթ դարձած գործը: Սարգսյանն իր ծառայության ընթացքում քայլ առ քայլ հաջողություն ունենալով մշտապես գնահատվել է և հասել արդեն վարչության պետի տեղակալի պաշտոնին: Պատասխանատու անձնավորություն է, որի հետ կարելի է ծառայել, ճանապարհ գնալ, վստահել»:

Ֆելիքս ԵՂԻԱՋԱՐՅԱՆ

Զանգեզուրի կենսոլորտային համալիրը, որն ընդգրկում է Սյունիքի մարզի հատուկ պահպանվող տարածքները՝ արգելավայրեր, արգելոց, ազգային պարկ, արդեն մի քանի օր է՝ Էկոտուրիզմի սիրահարներին նոր արտադրանքով է ներկայանում: Կապանից 47 կմ հեռու գտնվող «Խուստուփ» վրանային ճամբարը պատրաստ է ընդունել զբոսաշրջիկների աշխարհի տարբեր ծայրերից: Այն ապահովված է վրաններով, քնապարկերով, լուսավորությամբ, սանհանգույցներով, խոհանոցով, որտեղ հյուրերը կարող են իրենց նախընտրած ուտելիքը պատրաստել, խորոված անել բնության գրկում, հավաքվել խարույկի շուրջը: Վերելք Խուստուփ լեռ, թեյի, սուրճի ամվճար հյուրասիրություն, ուղեկցորդների տրամադրում, գիշերակացի հնարավորություն... Հովիտները բացի իրենց հետ վերցրած սննդից, հարկ եղած դեպքում կարող են օգտվել մոտակա Ծավ, Շիշկերտ, Երբին Զանդ գյուղերի էկոլոգիապես մաքուր գյուղմթերքից: Բնամթերքի իրացման խնդիր ունեցող այս գյուղերում արդեն աշխուժություն է նկատվում...

ԽՈՒՍՏՈՒՓԻ ՎՐԱՆԱՅԻՆ ՃԱՄԲԱՐՈՒՄ



կը, կենու, հաճարեմու պուրակը, միջնադարյան եկեղեցիներ, կամուրջներ, հնարավոր է հանդիպեն նաև «Կարմիր գրքում» գրանցված բեզոարյան այծերի, վայրի հնդկապարկի և այլն: Ծամբարի կազմակերպիչները վստահեցնում են, որ հովիտները բացահայտելու շատ բան կունենան խորհրդավոր այս անկյուններում: Տարբեր ժամանակներում 3201 մ բարձրություն ունեցող լեռը մշտապես գրավել է ինչպես տեղացիներին, այնպես էլ Կապան այցելած հյուրերին: Շատերի համար այն ուխտագնացության վայր է եղել, քանի որ այդտեղ են անթեղված գորավար Գարեգին Տժեհի մասունքները: Դեռևս շատ հնում լեռը եղել է աղոթատեղի, ուխտավայր:

Խուստուփի հարավարևմտյան լանջի քարանձավ-սրբատեղին Վարդավառի տոնին բազմաթիվ մարդիկ են այցելում, քարանձավի առաստաղից կաթող ջուրն ուխտավորները ուրբ ջուր են համարում, խմում են դրանից և տանում իրենց հետ՝ ցողելու արտերն ու դաշտերը: «Վրանային ճամբարը հիմնելու նախաձեռնությունն իմն է, այն իրականացվել է պահպանվող տարածքների աշակցման ծրագրի շրջանակներում և մեր աշխատակիցների ուժերով: Նպատակ ենք ունենել առավել ծանաչելի դարձնել Սյունիքի հարավը: Վրաններում մարդիկ կարող են գիշերել նույնիսկ տեղումնառատ օրերին, իսկ քնապարկերում՝ մինչև -5 աստիճան

ցրտին»,- տեղեկացրեց «Զանգեզուր կենսոլորտային համալիր» ՊՈԱԿ-ի տնօրեն Վարդան Գևորգյանը: ՀՀ բնապահպանական պետական տեսչության Սյունիքի տարածքային բաժնի պետ Լևոն Պետրոսյանը, որը վրանային ճամբարի բացմանը ներկա էր, մեզ ասաց, որ վրանային ճամբարը հիմնվել է առանց բնապահպանական խախտումների: Ծրագրի հաջողության դեպքում հետագայում նման ճամբարներ կհիմնվեն Մեղրու և Կապանի տարածաշրջանների մյուս պահպանվող գոտիներում:

Մերի ՍՈՂՈՍՈՆՅԱՆ
Կապան



Պատասխանատվություն

Ոչինչ չի կարող փոխարինել մարդկանց շնորհակալական խոսքին: Անկախ նրանից, թե ինչ կանչ են սպասարկում, պատասխանատվությամբ են մոտենում գործի: Նույնիսկ վերջերս ահազանգ էինք ստացել մի քաղաքացուց, որը խնդրել էր տուն մտած իշամեղվին բռնել, այդ կանչը ևս անարժազանք չթողեցինք:

Քաղաքային որոնողափրկարարական (ՔՓՁ) 5 թիմերից մեկը գտնվում է Կապանում, ստեղծվել է քաղաքի հրշեջ-փրկարարական ջոկատի բազայի հիման վրա: Ներքին որակավորման Այուրիցի, Տավուշի, Լոռու, Շիրակի և արտաքին որակավորման Երևանի թիմերը ձևավորվել են հատուկ փրկարարական աշխատանքներ իրականացնելու համար: Առաջնորդվում են Որոնողափրկարարական հարցերով միջազգային խորհրդատվական խմբի (The International Search and Rescue Advisory Group՝ INSARAG) սահմանած չափանիշներով և ուղեցույցներով: Ինչպես մյուս թիմերը, Կապանի թիմը նույնպես հազեցած է ժամանակակից, նորագույն գույքով ու սարքավորումներով:

ԿԱՊԱՆԻ ՔՓՁ ԹԻՄԸ

Որոնողափրկարարականի փորձառուները



Կապանի որոնողափրկարարական թիմի գույքի համար նախատեսված պահեստում ենք. թիմի անդամները հերթով բացում են արկղերը, ոգևորությամբ թվարկում, թե ինչ լիարժեք միջոցներով են ապահովված. ամհատական ուսապարկեր, համազգեստներ՝ ամառային-ձմեռային, քնապարկեր, պատգարակներ, ամհատական պաշտպանության միջոցներ՝ սաղավարտ, ձեռնոցներ, ակնոցներ, արմնկակներ, ծնկկակներ, կոշիկներ, հիդրավլիկ համակարգ: Աղետների ժամանակ՝ փրկատակներում աշխատելու համար շատ կարևոր են նաև կտրող, ծակող և այլ սարքավորումները, տեսասարքերի և աուդիոսարքերի օգնությամբ էլ հնարավոր է նույնիսկ ամենափոքր անցքի միջոցով պարզել՝ փրկատակների ներսում մարդիկ կա՞ն, թե՞ ոչ, և արագ արձագանքել տուժածներին: Թիմի անդամներն ապահովված են նաև առաջին բուժօգնության պարագաներով, սննդով, որը բավարար է յոթօրյա որոնողափրկարարական աշխատանքներ իրականացնելու ընթացքում: «Մեզ հատկացված այս գույքն ու սարքավորումները հիմնականում օգտագործում ենք ուսումնավարությունների ժամանակ: Թող երկրաշարժ և այլ աղետներ չլինեն, ու այս ամենը միշտ օգտագործենք վարժանքների ժամանակ»,- ընդգծում են որոնողափրկարարական թիմի անդամները, որոնք պատրաստված են հատուկ փրկարարական աշխատանքներ իրականացնելու՝ ինչպես մարզի տարածքում, այնպես էլ դրա սահմաններից դուրս:

ՉՓՁ-ից են, անդամներ կան նաև Քաջարանի ՉՓՁ-ից, մարզային վարչության սպաներ, թիմում ընդգրկված են նաև բժիշկներ, մասնագետներ սեյսմիկ պաշտպանության ոլորտից և այլն: «Տարեկան երկու անգամ 36-ժամյա իրական քաղաքային աղետի սցենար վարժանքների ենք մասնակցում, երեք տարին մեկ էլ քննություն հանձնում և ստանում որակավորում. մեր տղաները միշտ բարձր ցուցանիշներ են ապահովում: 25 հրշեջ-փրկարար ստացել է փրկարարի կարգ, մեկն էլ՝ երկրորդ կարգի փրկարարի կարգ»,- նշեց որոնողափրկարարական թիմի անդամ Սասուն Գալստյանը:

Նա Կապանի հրշեջ-փրկարարական ջոկատի հին կադրերից է, այժմ երրորդ խմբի օղակի հրամանատարն է:

Կոչումով փ/ծ ավագ է, փրկարարական ծառայությունում աշխատանքի է անցել 2003-ից: 14

տարվա աշխատանքային տարիները խտացված են մեկ ակնթարթում, որոնց մաս են կազմում հաղթահարված դժվարությունները, փորձությունները, ձեռքբերումները և այլն: «Կյանքի մեծ փորձ սովեց ինձ ծառայությունը, զուցե իմ ճակատագիրը հենց սա էր, երբևէ մտքովս չէր անցել, որ համազգեստ կկրեմ, այն էլ հսկարտությամբ: Դա մի այլ զգացողություն է, դժվարանում են բացատրել, պետք է ծառայության մեջ լինես, որ հասկանաս: Եթե փրկարար ես, ապա փրկարար ես թե՛ տանը, թե՛ բակում, թե՛ աշխատավայրում, ամենուր: Փրկարարի գործը սահմաններ ու դժվարություններ չի ճանաչում... Երբ ավտոկարի վայրում միանգամից 6 զոհ ես տեսնում, ու այդ տեսարանը դեռ երկար ժամանակ հանգիստ չի տալիս քեզ, բայց գիտակցում ես, որ տվյալ պահին պետք է ստանաիրտ գտնվել, ըն-

կերոջդ թև ու թիկունք լինել, դա իր հերթին մեծ խիզախություն է պահանջում»,- ասում է ամեն տեսակի փորձությունների միջով անցած փ/ծ ավագ, ճգնաժամային կառավարման պետական ակադեմիայի շրջանավարտ Սասուն Գալստյանը, որի 4-ամյա որդին հոր համազգեստից հեռու չի գնում, շտապում է հասակ առնել ու նրա գործին անցնել:

Որոնողափրկարարական թիմի փրկարարներից և Կապանի ՉՓՁ-ի հնաբնակներից է նաև Արմեն Ասրյանը: Փրկարարի կյանքի ուղին բռնել է 2000-ից, սկսնակ հրշեջ էր, միայն սպասարկում էր հրդեհների կանչեր, այսօր արդեն դժվարանում է անթիվ տարաբնույթ դեպքերը թվել: Տարիներով կուտակած փորձն այսօր արդեն փ/ծ ավագին թույլ է տալիս երիտասարդ նորեկ կադրերի համար լավագույն փրկարարի օրինակ լինել: Գործընկերոջ պես նոր կադրերին վերա-

պատրաստում, գործի մեջ արագ կողմնորոշվելու ու ճիշտ արձագանքելու կարևորագույն գաղտնիքներով կիսվում: Բազամթիվ շնորհակալագրերի, պատվոգրերի են արժանացել, գնահատվել նաև մարզային, Քաղաքային իշխանությունների, Քաղաքապետի շրջանի դեկավարության կողմից, երբ մեկ ամիս շարունակ հերթապահել են ազատագրված տարածքների հրդեհված ցորենի արտերի տարածքում:

«Նաև է, որ գնահատում են արածդ, ոչինչ չի կարող փոխարինել մարդկանց շնորհակալական խոսքին: Անկախ նրանից, թե ինչ կանչ են սպասարկում, պատասխանատվությամբ են մոտենում գործի: Նույնիսկ վերջերս ահազանգ էինք ստացել մի քաղաքացուց, որը խնդրել էր տուն մտած իշամեղվին բռնել, այդ կանչը ևս անարժազանք չթողեցինք: Երբեմն փակ դռան ահազանգ ենք ստանում, գնում ենք տեսնում, որ տարեց պապիկը կամ տատիկը մուշ-մուշ քնած են, չես ուզում նույնիսկ արթնացնես, ուրախանում ես, որ վատ բան չի եղել»,- պատմում է փ/ծ ավագ Արմենը: Սասունի և Արմենի հետ մեր գրույցի ընթացքում լսեցինք տարատեսակ դեպքերի մասին բարդ, զվարճալի և երբեմն տխուր վերջաբանով, որոնց սպասարկելու ընթացքում նաև փրկարարներն առանց վնասվածքների չեն մնացել: Արմեն Ասրյանը, որը կյանքի երիտասարդ տարիներից ի վեր իրեն նվիրել է Կապանի ՉՓՁ-ին, իր ներդրումն ունեցել ջոկատի կայացման գործում, այդպես էլ չի անուսնացել:

«Ամուսնանալու ժամանակ չեն ունեցել»,- կատակում է Արմենը և չի ուզում պատկերացնել իր կյանքն առանց ջոկատի, առանց ծառայության, առավել ևս չի ուզում մտածել, թե ինչպես է մի քանի տարի անց մեկնելու վատապահ հանգստի: Ամբիջապես հետևում է ջոկատի հրամանատար Դավիթ Ասատրյանի պատասխանը:

«Մենք քեզ հանգստի անցնելու չենք թողնի»,- վստահ տոնով ասում է նրա հետ երկար ճանապարհ անցած հրամանատարը և շեշտում, որ Արմենի և Սասունի պես փորձառու կադրերը շատ անելիքներ ունեն, դեռ նոր փրկարար սերունդ պետք է կրթեն, իրենց փորձը փոխանցեն...

Մերի ՍՈՐՈՍՈՆՅԱՆ
Կապան

Հունիսի 20-ին աղբեջանական դիրքերից գնդակոծության հետևանքով հրդեհ էր բռնվել Չինարի գյուղի բնակիչ Տիգրան Վանյանին պատկանող անասնաֆերմայում: Այն ժածկի հետ միասին հրդեհից փրկել չէր հաջողվել, այրվել էր նաև ծնունդ համար պաշարած ողջ անասնակերը՝ ընդհանուր թվով 3000 հատ խոտի հակ: Կրակոցներից տուժել էր նաև կերակուցող, քարի հաստոցը, թրթուրավոր տրակտորի նստատեղը: Գյուղացիներին օգնելու և բռնկված հրդեհը մարելու նպատակով ահազանգ ստանալուց հետո ամբիջապես դեպքի վայր է մեկնել հրշեջ-փրկարարական ջոկատի օպերատիվ խումբը: Երբ դեպքի վայր են հասել, անասնաֆերման և խոտի հակերն արդեն կրակի ճարակ էին դարձել, սակայն հրդեհաշիջման աշխատանքների շնորհիվ հաջողվել էր կանխել կրակի տարածումը դեպի հարակից տներն ու անաս-

ՀԻՆԳԺԱՄՅԱ ՊԱՅՔԱՐ ԿՐԱԿԻ ԴԵՄ



նագոմը: Բերդի հրշեջ-փրկարարական ջոկատի հրամանատարի տեղակալ, փ/ծ լեյտենանտ Վահագն Թաղևոսյանը մեզ հետ զրույցում պատմեց, որ կրակի դեմ պայքա-

րել են մոտ 5 ժամ, հրդեհը հաջողվել է մեկուսացնել գիշերը ժամը 2-ի սահմանում, մարել մեկ ժամ հետո:

«Հրդեհաշիջման աշխատանքների ժամանակ ուժեղ քամի էր բարձրացել, և ամեն րոպե կրակը կարող էր տարածվել հարևանությամբ գտնվող տների, անասուններով լի անասնագոմի վրա, սակայն կարողացանք փրկել կրակի ճիրաններից: Քանու հետևանքով միայն տրակտորը սկսեց այրվել, բայց արագ հասցրեցինք մարել, միայն նստատեղը վնասվեց: Մինչև ժամը 5-ը հերթապահել ենք Չինարիում, խոտը նորից շրջել, ջուր լցրել, որպեսզի հրդեհի մշույլ անգամ չմնա: Աշխատել ենք մթության մեջ, անվտանգությունից ելնելով անջատել էինք փողոցի լուսավորությունը,

քանի որ վտանգավոր էր աշխատել աղբեջանական դիրքերից հիմա: Ամբողջ ընթացքում մեզ հետ հավասար դեպքի վայրում աշխատում էին նաև Չինարիում տեղակայված քաղաքապետության հենակետի փրկարարները»,- փոխանցեց Բերդի ՉՓՁ հրամանատարի տեղակալը:

Չինարիի համայնքի դեկավար Սամվել Սաղոյանի խոսքով՝ վնասի չափը կազմում է 12 մլն դրամ: Վնասվել են նաև գյուղի տների, մանկապարտեզի և այլ շենք-շինությունների տանիքները: Գյուղապետը նաև հավելեց, որ վերջին օրերին լարվածություն չի նկատվում, սահմանագոտում հարաբերական անդորր է...

Մ. Ս.



Արտակարգ ժամանակներ

Ուրեմն՝ այսպես. գրատախտակը կյանքն է, որը գրում ենք՝ ապրելով: Գրում ենք, որ փոխանցվի, ջանք ենք անում, որ չաղարտենք ո՛չ մեր, ո՛չ ուրիշի ապրելու տարածությունը, որովհետև արդեն գիտենք, որ ԱՄՆԻ ԻՆՉ ՄԻ ՏԵՂ ՄԻՇՏ ԿԱ, որ ոչինչ չի ջնջվում:

Ավագ ԵՓՐԵՍՅԱՆ

ԳԻՐ ԳՐԻ ԿՐԱ

ՓՈՐՁ



Թվում է, թե ահագնացել են այն գրույցները, որոնք վերաբերում են ԳԻՏԵԼԻՔԻՆ: Ի՞նչ է իմացել մարդը, երբևէ որևէ բան իմացել է, արդյոք, ի՞նչ գիտի այսօր, կարո՞ղ էր ավելին իմանալ, ի՞նչն է խանգարում իմանալուն, մարդուն իմացություն հարկավոր է, ի՞նչ չափով է հարկավոր, ինքն անծա՞մբ է որոշում իր գիտելիքի չափը, թե՞ կան «հաստատություններ», որոնց «կոչումը» չափեր որոշելն է, անշուշտ, հանուն համընդհանուր բարօրության, ո՞րն է համընդհանուր բարօրությունը, ի սկզբանե եղե՞լ է, կա՞ այդպիսի բան:

Բնորոշմ, իհարկե, գրատախտակի պատկերն է. գրում են, ջնջոցով մաքրում և գրում ուրիշ բան, հետո՝ մեկ ուրիշը, հետո՝ հաջորդը: Գրատախտակը ժամանակ առ ժամանակ նորից մաքրուր է այդպիսով: Սերնդի հարց է, ի դեպ, գրատախտակի պատկերը բերվեց իբրև մանկության հուշ, գուցե հիմա էլ կան գրատախտակներ, բայց տարբերությունն այն է, որ 40-50 տարի առաջ միայն դրանք կային: Այսօր մանկ համեմատությամբ խոսք կառուցողը համակարգչի անունը պիտի տար: Գրատախտակից մինչև էկրան՝ մեծ փոփոխություն չէ, հատկապես, եթե խոսում ենք գրելու և ջնջելու մասին:

մար էլ գրվում են: Եվ պարզ է, և ճիշտ: Բարդությունը ծնուն է «ավելին» իմանալու, մանրամասնելու, խաղալիքը երեխայի նման քանդելու-քրքրելու ցանկությունը:

Չամակարգիչն էլ իզուր չհիշեցինք. մի՞թե մարդու այդ նոր գործիքը ակնհայտորեն չի հուշում, որ ոչ մի ջնջել էլ գոյություն չունի. ԱՄՆԻ ԻՆՉ ՄԻ ՏԵՂ ՄԻՇՏ ԿԱ:

Միշտը հավերժն է, հավերժը՝ անմահը, իսկ Թունանյանին բոլորն են հիշում.


Մարդու գործն է միշտ անմահ... Ի դեպ՝ որպես օրինակ՝ իրենք: Սակայն առանձնահատուկ դեպքերը չէ, որ այս գրույցում նկատի է առնվում: Խոսքը նաև սովորական մարդկանց մասին է, պայմանավորվելով, որ մարդու կյանքը և, կամ՝ հենց առաջին հերթին, գիր է որ կա:

Ի՞նչ պիտի պատահի, եթե այդպես մտածենք: Ոչինչ էլ չի պատահի, ընդհակառակը՝ մի քայլ էլ կմոտենանք իրական էությանն այն «խաղալիքի, որը քանդում» ենք:

Չետևյալը կարող է հեքիաթի նմանվել, բայց ի՞նչ վատ բան կա հեքիաթի մեջ, և մի՞թե արդեն հստակ հասկացել ենք՝ ո՞րն է «բուն իրականությունը» հեքիաթը, թե՞ այն, ինչը կարելի է անվանել առօրյա՝ ամենալայն առումով:

Ուրեմն՝ այսպես. գրատախտակը կյանքն է, որը գրում ենք՝ ապրելով: Գրում ենք, որ փոխանցվի, ջանք ենք անում, որ չաղարտենք ո՛չ մեր, ո՛չ ուրիշի ապրելու տարածությունը, որովհետև արդեն գիտենք, որ ԱՄՆԻ ԻՆՉ ՄԻ ՏԵՂ ՄԻՇՏ ԿԱ, որ ոչինչ չի ջնջվում:

Ընդ որում այս ամենը՝ առանց միստիկայի, առանց «կրոնական գիտակցության» ու, եթե կուզեք, զուտ «գիտական» տեսանկյունից, ինչպես սիրում ենք ասել...



Չես ասի, թե ՉԱՄԱԿԵՑՈՒԹՅԱՆԸ վերաբերող այս կամ այն խնդիրը հանկարծակի առաջացավ տվյալ ժամանակի մեջ, բայց չես էլ կարող ժխտել, որ ուզածդ յուրաքանչյուր խնդիր գիտակցելի է միայն ներկա ժամանակում ապրողների համար:

Այնպես որ՝ երբ ասվում է, թե մարդիկ այսօր միմյանց լսել չեն սիրում, չպետք է առանձնապես սևեռվել ժամանակը ցույց տվող բառի վրա: Անհմաստ է: Կամ՝ իմաստն ուրիշ տեղ է:

Փորձենք այսպես մտածել. երբ չեն ուզում միմյանց լսել, խոսքի անունը դնում են «բարոյախտություն», սկսում են դա ընկալել իբրև բացասական, կամ առնվազն՝ արգահատելի երանգներ ունեցող բան, քանզի հիշում են, երբեք չեն մոռանում, որ այլևս ազատ են, ինչն, ի վերջո, նշանակում է, որ մեկը մյուսի կարիքը չունեն, կամ՝ որ իրենք կարող են ընտրել ունեն, թե՞ ոչ, և մեծավ մասամբ որոշում են, որ չունեն, կամ ունեն բացառապես այն ժամանակ, երբ դա միայն իրենց հարկավոր է...

Բայց ինչո՞ւ լիովին անփորձ լինել «ուրիշներին» փորձի համեմատությամբ, ինչո՞ւ՝ **այդքան օտար լինել ուրիշներին**, ինչո՞ւ՝ միշտ գրոյից սկսել...

Ա. Ե.

Տաթևի վանական համալիրի բակում մինչև օրս կանգուն է 906-ին կառուցված ճոճվող գավազանասյունը, որը միջնադարյան հայկական ճարտարապետության յուրօրինակ կառույցներից է: Սուրբ Երրորդության անվան գավազանասյունը կառուցվել է հայոց կաթողիկոս, գրող, պատմիչ Հովհաննես Դրասխանակերտցու գավազանի նմանությամբ: Այն ութանկյուն է, ունի 8 մ բարձրություն, իսկ գավազանագլուխն ամբողջանում է խաչքարով:

ԿԱՆԱՅԱՅՐԸ՝ ՏԱԹԵՎԻ ԾՈՃՎՈՂ ԳԱՎԱԶԱՆԱՍՅԱՆ ՄԱՍԻՆ

ավանդություններ են, ըստ որոնց՝ սյունը հիմքից ճոճվել է թշնամու մոտակայում հարձակումների ժամանակ ձիերի ուժգին դուփյունից, ինչպես նաև երկրաշարժի ցնցումներից: Ավանդությունը պատմում է նաև, որ թեկնածուները վարդապետի աստիճան ստանալուց առաջ կանգնում էին Սուրբ Երրորդության անվան գավազանասյան մոտ և աղոթում, եթե այն ճոճվում էր, ուրեմն թեկնածուն արժանավոր էր»,- նշեց վանահայրը:

Տաթևի գավազանասյան հետ կապված կա ևս մեկ տարածված տեսակետ, իբրև սյան կառուցման տեղը հատուկ է ընտրվել և ամեն տարի օգոստոսի 11-ին Օրինո համաստեղության 3 աստղերն ուղղահայաց դիրքով հայտնվում են սյան գլխավերևում, ինչին ակամատես լինելու համար հանրապետության տարբեր վայրերից մարդկանց հոծ խմբեր են այցելում այդ օրը: Հայր Միքայել վարդապետ Գևորգյանը քննադատում է այդ երևույթը և այն որակում որպես հեթանոս ժողովրդին բնորոշ արարք:

«Օգոստոսի 11-ին աննկարագրելի իրավիճակ է ստեղծվում մեզ մոտ. մարդկանց հոսքը ձգվում է կիլոմետրերով, նույնիսկ հիվանդներին են գրկած բերում հեռվից, իբրև թե երկնքից գորություններ պետք է իջնեն, կպնուն են գավազանասյանը, քարեր են լցնում արանքը, որպեսզի երկնքից լիցքավորում ստանան...»



Մենք այդ ամբողջ գիշեր տանջվում ենք, մեծ խնթով հերթապահում, բացատրական աշխատանքներ տանում, որ, ժողովուրդ ջան, չի կարելի այդպես, դուք հեթանոս չեք, աստղերը ի՞նչ պետք է անեն ձեզ, բայց անօգուտ է, մեր ժողովուրդը շուու շատ է սիրում: Չգիտեն ով է այս ամբողջ նախաձեռնության հեղինակը, որ նման փորձանք բերեց մեր խեղճ ժողովրդի գլխին»,- մտահոգված ասաց վանահայրը:

Նրա պատմելով՝ 1931 թվականին ավերիչ երկրաշարժ է եղել Սյունիքում, որի հետևանքով շատ վանքեր են քանդվել, գրեթե ամբողջությամբ վնասվել էին նաև Տաթևի վանական համալիրի բոլոր կառույցները, սակայն գավազանասյունն իր ճոճվելու հատկության շնորհիվ կանգուն է մնացել, որոշ չափով խախտվել է միայն հիմքը:

Այսօր արդեն գավազանասյունը ճոճվում է ոչ սկզբնական տատանման մեծությամբ՝ 30 սմ-ի փոխարեն արդեն 5 սմ թեքությամբ: Առաջիկայում նախատեսվում է ճոճվող սյունը վերանորոգել «Տաթևի վերածնունդ» ծրագրի շրջանակներում, ներկայումս վանքի տարածքում ընթանում են Սուրբ Մարիամ Աստվածածին եկեղեցու խցերի նորոգման աշխատանքները, որոնք շուտով ավարտին կհասցվեն:

Մերի ՍՈՐՈՍՈՆՅԱՆ
Տաթև



Բժշկի խորհուրդը

Կյանքը արժանապատվորեն ապրիր, պատվի, բարու, ազնվության, ջանասիրության օրենքներով, մարդկանց համար ինչ-որ բարի և պիտանի բան ստեղծելով: Մի՛ գողացիր և հիշիր մահվան մասին, որպեսզի մահանաս հանգիստ, և որպեսզի շրջապատում տխրեն՝ լսելով քո անունը և բարի խոսքով հիշեն քեզ:

Անժամանակ ընդհատվեց 37 ԱԻՆ ճգնաժամային կառավարման պետական ակադեմիայի դասախոս, բժիշկ-թերապևտ, գիտնական Գրիգորի Ամատունու երկրային կյանքը: Նա 61 տարեկան էր:

ԲԺԻՇԿ ԳՐԻԳՈՐԻ ԱՄԱՏՈՒՆԻ

խոսք հրաժեշտի

Միջնակարգ դպրոցն ավարտելուց հետո՝ 1973-ին Գրիգորի Ամատունին ընդունվել է Երևանի բժշկական ինստիտուտ: Մասնագիտական գործունեությունն սկսվել է 1980-1981 թվականներից՝ թե գործնական՝ աշխատելով Աշտարակի շտապ օգնության կայանում, թե գիտական՝ աշխատելով Երևանի բժշկական ինստիտուտ պրոպեդեվտիկայի, ապա թերապիայի ամբիոններում:

Բժիշկ Գրիգորի Ամատունին մշտապես առաջին գծում էր: 1988-ին մասնակցել է Ապիտակի երկրաշարժի փլատակներից տուժածների որոնման և փրկելու աշխատանքներին: Երկրաշարժը ցույց տվեց, որ Հայաստանի համար փրկարարական ծառայությունն ուղղակի օդուչրի պես անհրաժեշտություն է, ու երբ սկսվեց «Ապիտակ» փրկարարական ջոկատի ձևավորումը, նա առաջին գծում էր: Չոկատը ստեղծվեց 1989-ին, շտաբի պետն էր, ապա ուսումնական բաժնի և բժշկական խմբի ղեկավարը: Երբ Երևանի բժշկական ինստիտուտում անցավ գիտական աշխատանքի, դրանից հետո էլ Ամատունու կապը ջոկատի հետ չէր կտրվել, կարողությունների ու հմտությունների զարգացման ծրագրերը նրա պարտադիր մասնակցությամբ էին իրականացվում:

Դեռ արցախյան պատերազմն ու էլի առաջին գիծ. Երասխավան, Իջևան, Նոյեմբերյան, Ոսկեպար, Մարտակերտ, Քարվաճառ: Գնդակոծությունների և հակառակորդի հարձակման, մեր հակահարձակման ժամանակ բժիշկը զենքը ձեռքին զինվոր էր, իսկ համեմատաբար հանգիստ պահերին՝ ռազմական բժիշկ:

Բժիշկ-ազատամարտիկը բազում պարզվեցների է արժանացել. «Ձորավար Անդրանիկ», «Դրաստամատ Կանայան»... Հրադարձից հետո էլ շարունակել է սովորել և սովորեցնել. մասնագիտական վերապատրաստման դասընթացների է մասնակցել Ֆրանսիայում, Հունգարիայում, Գերմանիայում, այլ երկրներում ու Հայաստանի գրեթե բոլոր մարզերում փրկարարների կարողությունների զարգացման ծրագրեր իրականացնելով:

նացրել՝ աղետների բժշկություն և այլ թեմաներով:

2001-ից աշխատում էր նաև արտակարգ իրավիճակների վարչության ուսումնական կենտրոնում՝ որպես գլխավոր մասնագետ: Իսկ 2006-ից ճգնաժամային կառավարման պետական ակադեմիայում դասախոսում էր առաջին բուժօգնություն:

Հայաստանն այսօր ունի Որոնողափրկարարական հարցերով միջազգային խորհրդատվական խմբի (The International Search and Rescue Advisory Group՝ INSARAG) ֆիլանդիներին համապատասխանող հինգ թիմ: Այս թիմերի վարժանքների սցենարների բուժօգնության հատվածի մշակումը և ղեկավարումը Գրիգորի Ամատունու պարտադիր մասնակցությամբ էր: Ել ընդհանրապես, Հայաստանի փրկարարների ցանկացած վարժանքի պլանի առաջին բուժօգնության բաղադրիչը Գրիգորի Ամատունու ձեռքով պիտի անցներ:


Գիտնական էր յուրահատուկ աշխարհայացքով: Առաջնորդվում էր դրանով և ճգնաժամային կառավարման պետական ակադեմիայում էլ առաջին բուժօգնության դասերը վարում էր յուրահատուկ մոտեցմամբ՝ մի վախեցիկ չհիմնադրուց, վախեցիկ սխալ իմանալուց, քանի որ, ըստ նրա, դրանից է ամբողջ աշխարհի չարիքը:

Ակադեմիայում բոլորը նրան բժիշկ էին կոչում: Քար լռություն էր նրա դասերին: Գրառվում էր նրա յուրաքանչյուր խոսքը, լարված հետևում էին ձեռքերի շարժումներին, երբ ցուցադրում էր տուժածին զննելու բուժկարգակնոցները:

Բժշկագիտության զգայուն ու սուր հարցերին, կյանքի ու մահվան մասին ուներ իր պատասխանները: Սիա դրանցից մի քանիսը՝

Անբուժելի հիվանդ երեխաների նկատմամբ էլքանագիտական թույլատրող օրենքի մասին.

Ես դեմ եմ այդ օրենքին: Հիպոկրատի երդումից. «Ես չեմ տա մահաբեր դեղորայք իմ ծանրից այն խնդրողին և մատնացույց չեմ



անի նման մտահաղացման իրագործման ճանապարհը: Նույն կերպ էլ ոչ մի կնոջ վիճեցնող հարբեր չեմ հանձնի»:

Երեխան իրավունք չունի որոշել. նա ինքնուրույն չի եկել այս աշխարհ, և նա չպիտի որոշի, թե ինչպես վարվի իրեն նվիրված կյանքի հետ, քանի որ նա դեռ հիմար է և գրեթե չի ճանաչում կյանքը: Եթե, իհարկե, նա հոգեպես առողջ է:

Կլոնավորման և սեփական պատճեն ունենալու մասին.

Ես դեմ եմ կլոնավորմանը: Միայն սիրով և բնական ճանապարհով ծնված երեխաները հոգի ունեն, ունակ են բարի զգացմունքներ և հարուստ հույզեր ապրել:

Մահվան դեպքում օրգանների դոնոր դառնալու մասին.

Բացասաբար եմ վերաբերվում: Մարդն օրգանի փոխպատվաստումից հետո հաշմանդամ է դառնում և ուղղակի գոյատևում

է՝ ապրելով իմունոդեպրեսսիայի վրա, դա կյանք չէ: Փոխպատվաստումը թույլատրելի է միայն միաբջիջ երկվորյակների դեպքում:

Հղիության արհեստական ընդհատումների մասին.

Դեմ եմ: Ելնելով նույն այդ Հիպոկրատի երդումից: Պետք է հիշել, որ արդեն երրորդ շաբաթվանից սկսած՝ պտուղն ուղեղ ունի: Բացի դրանից, կանայք աբորտից հետո երկար ժամանակ լացի ծայր և չծնված երեխայի կշտամբանքն են լսում: Անգամ ծերունական տկարամտության վիճակում փնտրում ու սպասում են նրան:

Խորհուրդ կյանք մտնողին.

Կյանքը արժանապատվորեն ապրիր, պատվի, բարու, ազնվության, ջանասիրության օրենքներով, մարդկանց համար ինչ-որ բարի և պիտանի բան ստեղծելով: Մի՛ գողացիր և հիշիր մահվան մասին, որպեսզի մահանաս հանգիստ, և որպեսզի շրջապատում տխրեն՝ լսելով քո անունը և բարի խոսքով հիշեն քեզ:

Մահվան վախի և հավերժ կյանքի մասին.

Չեմ վախենում, արդեն տեսել եմ այն: Անմահություն չեմ ուզում: Չանծրալի է այդքան երկար ապրել, բացի դրանից, այդքան անելիք էլ չկա:

Այս տարվա հունվարին News.am-ի հետ զրույցում ասել էր բժիշկ Ամատունին: Կանխագագե՞լ էր անսպասելի մոտալուտ մահը: Դժվար: Որովհետև անելիք շատ ուներ: Նա ամեն օր կյանք էր պարզում:

Բժիշկ Գրիգոր Ամատունու հիշատակը միշտ վառ կմնա նրան ճանաչողների սրտերում: Ծանր կորստին մի մխիթարանք կա. թավ բեղ ու մորուսով, հեթաթային բարությանը ու անզուգական ժպիտով բժիշկ Ամատունու դասերն օգնում են բոլորին...

Հանգչիր խաղաղությամբ, ԲԺԻՇԿ:

Մի բարձի ծերանաք

Լճանակությունը



Պետրոս Բեդիրյանի «Հայերեն դարձվածքների ընդարձակ բացատրական բառարանում» այս բարենադրանքի բացատրությունը սա է՝ «Մինչև օր ծերություն անբաժան կյանք վարել» (էջ 230):

Գրաբարում «բարձի»-ի իմաստներից մեկը՝ «Նստարան բարձր կամ պատուաւոր՝ ի կոչունսզ բազմոցզ գահ» (Նոր բառագիրք հայկազեան լեզուի):

Ստեփանոս Օրբելյանը գրում է. «...Վաղարշակ թագավորը Բագրատունիներին առաջարկում է թագադիր լինել ու նրանց անվանում է ասպետներ, շնորհում է գրավել առաջնակարգ ԲԱՐՉ՝ բոլորից վերև» («Պատմութիւն տանն Սիսական» էջ 73):

Այսպիսով, «Մի բարձի ծերանաք» արտահայտությունը նշանակում է «Մի ԳԱՅԻ ԲԱԶՄԱԾ՝ ԾԵՐԱՆԱՔ»: Իսկ ինչո՞ւ հատկապես «գահի»: Որովհետև հարսանիքի ծեսի ողջ ընթացքում փեսան կոչվում է «ԹԱԳԱՎՈՐ», իսկ հարսը՝ «ԹԱԳՈՒԴԻ»:

Տիգրան ՄԿՐՏՅԱՆ

ՀԱՅՏԱՐԱՐՈՒԹՅՈՒՆ

ՀՀ արտակարգ իրավիճակների նախարարությունը (այսուհետ՝ Նախարարություն) հայտարարում է մրցույթ՝ Նախարարության աշխատակազմում քաղաքացիական ծառայության հետևյալ թափուր պաշտոնը զբաղեցնելու մասին

ՀՀ արտակարգ իրավիճակների նախարարության աշխատակազմի պետական հրդեհային և տեխնիկական անվտանգության տեսչության (այսուհետ՝ Տեսչություն) Արմավիրի մարզային հրդեհային և տեխնիկական անվտանգության տեսչության հաշվառման, վերլուծության և քարոզչության բաժնի (այսուհետ՝ Բաժին) առաջին կարգի մասնագետ (ծածկագիր՝ 21-4.2-8)

Բաժնի պետ-ավագ տեսուչի հանձնարարությամբ մասնակցում է օրենքով սահմանված կարգով տարածաշրջանում հրդեհների, տեխնածին վթարների, արտադրական դժբախտ դեպքերի հաշվառման, վերլուծության աշխատանքներին, ինչպես նաև մասնակցում է տնտեսության օբյեկտներում և բնակավայրերում հրդեհային և տեխնիկական իրավիճակի հետ կապված վերլուծությունների հիման վրա աշխատանքային պլանների մշակման աշխատանքներին: Մասնակցում է քարոզչական պլակատների, բացիկների, ալբոմների պատրաստման ու տարածման, ցուցափեղկերի, պատուհանների և անկյունների սարքավորման ու ցուցադրման, բնակչությանը հրդեհային անվտանգության կանոնների ուսուցման աշխատանքներին: Բաժնի պետ-ավագ տեսուչի հանձնարարությամբ իրականացնում է Բաժնի առջև դրված գործառնություններից և խնդիրներից բխող իրավական ակտերի, առաջարկությունների, եզրակացությունների և այլ փաստաթղթերի պահպանության և արխիվացման աշխատանքները:

Իրականացնում է սույն պաշտոնի անձնագրով սահմանված այլ լիազորություններ:

Նշված թափուր պաշտոնը զբաղեցնելու համար նաև պահանջվում է՝

- առնվազն միջնակարգ կրթություն,
- սույն պաշտոնի անձնագրի 10-րդ կետի 2) ենթակետում նշված իր լիազորությունների հետ կապված իրավական ակտերի անհրաժեշտ իմացություն, ինչպես նաև տրամաբանելու, տարբեր իրավիճակներում կողմնորոշվելու ունակություն, անհրաժեշտ տեղեկատվության տիրապետում,
- համակարգչով և ժամանակակից այլ տեխնիկական միջոցներով աշխատելու ունակություն:

մնուչի փաստաթղթի (փաստաթղթերի) պատճենը (պատճենները),

- աշխատանքային գրքույկի պատճենը (ունենալու դեպքում),
- քաղաքացիական ծառայության կրտսեր պաշտոն զբաղեցնելու հավաստագրի պատճենը,
- արական սեռի անձինք՝ նաև զինվորական գրքույկի կամ դրան փոխարինող ժամանակավոր գորակազային տեղամասին կցագրման վկայականի պատճենը՝ բնօրինակի հետ միասին, կամ համապատասխան տեղեկանքը,
- մեկ լուսանկար՝ 3 x 4 սմ չափի,
- անձնագրի պատճենը:

Փաստաթղթերն ընդունվում են միայն աշխատանքային օրերին՝ ժամը 9:30-ից մինչև 12:30-ը:

Դիմող ՀՀ քաղաքացիները մրցույթի պետք է ներկայանան ՀՀ անձնագրով:

Դիմումների ընդունման վերջին ժամկետն է՝ 4.08.2017 թ.:

ՀՀ քաղաքացիները ՀՀ արտակարգ իրավիճակների նախարարության աշխատակազմում քաղաքացիական ծառայության թափուր պաշտոն զբաղեցնելու համար կարող են դիմել նախարարության աշխատակազմին (ք. Երևան, Դավիթբաշեն, 4-րդ թաղամաս, Ա. Միկոյան 109/8, հեռ. 31-78-65):



Հունիսի 28-30-ը սպասվում է բարձր ջերմային ֆոն. Երևանում, Արարատյան դաշտում և Սյունիքի հովիտներում ցերեկը կանխատեսվում է մինչև 38...40 աստիճան տաքություն և բարձր կարգի հրդեհավտանգ իրավիճակ: Օդի միջին օրական ջերմաստիճանն այդ օրերին բարձր կլինի մոտ 25-ից 4-6 աստիճանով: Ուշտրամանուշակագույն ճառագայթման ինդեքսը կանխատեսվում է 6, որի դեպքում խորհուրդ է տրվում ժամը 11-15-ն ընկած ժամանակահատվածում խուսափել արեգակի ուղիղ ճառագայթներից:

Օգնում են փրկարարները

Աջափնյակում 5 մետրանոց օձ է հայտնաբերվել

Անցած յոթ օրում ՀՀ ԱԻՆ փրկարար ծառայության ստորաբաժանումները արտակարգ իրավիճակների վերաբերյալ մոտ 600 ահազանգի են արձագանքել: Շատ դեպքերում փրկարարները դեպքի վայր մեկնելուց զուգահեռ տեղեկությունը փոխանցել են այլ ծառայության. շտապօգնություն, «Վեոլիաջուր», էլ-ցանց, գազի վթարային ծառայություն, կանաչապատման, սամմաքրման ծառայություն, ոստիկանություն և այլն:



Սևան ավտոճանապարհի 15 կմ-ի մոտ՝ 80 հա, Արագածոտնի մարզի Օշական գյուղում 6 հա խաղողի այգի, Ուջան գյուղում 5 հա, Տավուշի Կողբ գյուղում 10 հա և այլն:

Այլ կանչեր. Աջափնյակի փրկարարներն ահազանգ են ստացել, թե Մարգարյան փողոցի բակերից մեկում բնակիչներն օձ են բռնել: Պարզվել է՝ օձը մոտ 5 մետրանոց պիթոն է: Հրշեջ-փրկարարները օձին տեղափոխել են անվտանգ տարածք: Ավանի փրկարարներն ահազանգ են ստացել, թե Օտարավ Աղբյուր փողոցի բակերից մեկում, շենքի 7-րդ հարկից պայուսակն ընկել է 3-րդ հարկի պատշգամբի ծածկի վրա: Փրկարարներն իջեցրել են պայուսակը: Քանաքեռ-Զեյթունի փրկարարները գիշերն ահազանգ են ստացել, թե Ահարոնյան փողոցի բնակիչներից մեկի մատանին մատից դուրս չի գալիս: Փրկարարները մատանին հանել են 45-ամյա կնոջ մատից:

Արագածոտնի փրկարարներն ահազանգ են ստացել, թե Օշական գյուղում վիրավոր արագիլ կա: Փրկարարներն արագիլին տեղափոխել են կենդանաբանական այգի: Արմավիրի փրկարարներն էլ Գայ և Ջանֆիղա գյուղերում ընկած վիրավոր արագիլներին են տեղափոխել կենդանաբանական այգի:

Շիրակի փրկարարներն ահազանգ են ստացել, թե Ամասիա գյուղում խոշոր եղջերավոր անասունն ընկել է փոսը: Հրշեջ-փրկարարները փոսից հանել են խոշոր եղջերավոր անասունին և հանձնել տիրոջը: ■

Ինձացիր և օգնիր

ԱՐԱՋԻՆ ՕՁՆՈՒԹՅՈՒՆ

Վարակներ. արյան միջոցով փոխանցվող հեղատիտ B

Հեպատիտ B-ն վիրուսային վարակ է, որ ախտահարում-բորբոքում է յարդը: Հիվանդության հիմնական նշանը՝ մաշկի և լորձաթաղանթների դեղին գունավորում: Վիրուսը փոխանցվում է արյան միջոցով, այսինքն՝ կանխարգելիչ միջոցառումների չպահպանման դեպքում: Մյուս հիմնական ուղին սեռականն է:



Նշանները. գլխացավ, հոգնածություն, ախորժակի անկում, մարմնի ջերմաստիճանի բարձրացում, անզինա, հոդացավեր, մաշկի ցանավորում: Գաղտնի շրջանը՝ 3-6 ամիս: Նշանների ի հայտ գալուց 1-2 շաբաթ հետո սկսվում է դեղնուկի շրջանը. մաշկի, տեսանելի լորձաթաղանթների, մասնավորապես՝ աչքի սպիտակուցային թաղանթի դեղնություն, մեզիզի գույնի մգացում, կղանքի անգունացում, ցավեր որովայնում, հատկապես աջ ենթակողում,

արտխառնոց, մարտդոլային խանգարումներ: Հիվանդությունը ժամանակին չբուժելու դեպքում գրեթե միշտ մնում են մնացորդային լուրջ երևույթներ՝ յարդի քրոնիկական բորբոքում և այլն:

Հեպատիտ B-ի կանխարգելման քայլերը նույնն են, ինչ՝ ՄԻԱՎ վարակի դեպքում. սեռական հարաբերությունների ժամանակ օգտագործել պահպանակ, սահմանափակել սեռական շփման զուգընկերների թիվը, ունենալ մեկ հուսալի զուգընկեր, խուսափել պատահական սեռական կապերից, ներարկումների համար օգտագործել միանգամյա ներարկիչ: ■

ՀՀ ԱՐՏԱԿԱՐԳ ԻՐԱՎԻՃԱԿՆԵՐԻ ՆԱԽԱՐԱՐՈՒԹՅԱՆ ԵՐԵՎԱՆԻ ԿԱՌԱՎԱՐՄԱՆ ՊԵՏԱԿԱՆ ԱԿԱԴԵՄԻԱ
www.cmsa.am

Հասցե. Երևան, Ավան, Աճառյան 1
Հեռ. (060) 69-10-01 (ռեկտոր)
(060) 69-10-03, (060) 69-10-05
(060) 69-10-06, (060) 69-10-13

ԱԿԱԴԵՄԻԱՆ ՀԱՅՏԱՐԱՐՈՒՄ Է 2017-2018 ՈՒՍՏԱՐՎԱ ԸՆԴՈՒՆԵԼՈՒԹՅՈՒՆ

- Ակադեմիան իրականացնում է:**
1. բակալավրի կրթական ծրագիր առկա ու հեռակա ուսուցմամբ,
 2. մագիստրոսի կրթական ծրագիր միայն հեռակա ուսուցմամբ,
 3. միջին մասնագիտական կրթական ծրագիր:
- Ընդունելությունը.**
- Բակալավրիատում՝
 - Հայոց լեզու (թեյադրություն)
 - Մագիստրատուրայում՝ հարցազրույց:

Մասնագիտություններ	Վարձը (հազ. դր.) առկա	Վարձը (հազ. դր.) հեռակա
Բակալավրի կրթական ծրագիր		
Հրդեհային պաշտպանություն	Անվճար	240
Փրկարարական գործ	Անվճար	240
Ճգնաժամային կառավարում	320	260
Կառավարում	320	260
Քաղաքացիական պաշտպանություն	300	240
Անվտանգությունն արտակարգ իրավիճակներում	300	240
Տրանսպորտային և հրշեջ փրկարար հատուկ տեխնիկայի շահագործում և սպասարկում	300	240
Հրդեհային անվտանգություն	300	-
Մագիստրոսի կրթական ծրագիր		
Փրկարարական գործ	-	320
Ճգնաժամային կառավարում	-	320
Կիրառական սեյսմոլոգիա	-	320
Միջին մասնագիտական կրթական ծրագիր		
Հրդեհային պաշտպանություն	150 90*	-
Հրշեջ-փրկարարական տեխնիկայի տեխնիկական սպասարկում և նորոգում	150 90*	-
Կառավարում արտակարգ իրավիճակներում	150 90*	-

Մանրություն.
*Նշված վճարով ուսուցումն իրականացվում է Ստեփանավան քաղաքում:

Միջին մասնագիտական կրթական ծրագրով գերազանց և լավ գնահատականներով շրջանավարտները կարող են առանց ընդունելության քննությունների ուսումը շարունակել ճգնաժամային կառավարման պետական ակադեմիայի բակալավրի կրթական ծրագրով 2-րդ կուրսում:

ԱՆՎՃԱՐ ՏԵՐԵՐ

Կառավարության 2017 թվականի ապրիլի 20-ի N 434-Ն որոշմամբ ՀՀ ԱԻՆ ճգնաժամային կառավարման պետական ակադեմիային հատկացվել է 60 անվճար տեղ առկա ուսուցմամբ «Հրդեհային պաշտպանություն» և «Փրկարարական գործ» մասնագիտությունների գծով, որից 5-ը տրամադրվել է Արցախի Հանրապետությանը:



Մեր թերթի «Նավարկությունը» երեք շաբաթով ընդհատվում է... մինչև օգոստոսի 25-ը: Զաջորդ համարը լույս կտեսնի ճիշտ այդ օրը:
Լուսանկարը՝ «Լուռ» փրկարարական ջոկատի